

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

- 1. प्रधानमंत्री नरेन्द्र मोदी होंरें अज्ज नमीं दिल्ली दे भारत मंडपम च अष्टलक्ष्मी महोत्सव दा उद्घाटन कीता।
- 2. बरोधी धड़े आसेआ कीते गेदे हंगामे ते बरोध प्रदर्शन दे चलदे संसद दे दौनें सदनें दी कार्रवाई दिन भरै लेई स्थगित।
- 3. 175 किलोमीटर लम्मी गुरदायपुर-जम्मू गैस पाईप लाईन दा कम्म शुरु, 2026 तगर एहदे राहें सप्लाई चालू होई जाहग। केन्द्री मंत्री डाक्टर जीतेन्द्र सिंह होंरें आखेआ ऐ जे एहदा मकसद आम लोकें दे जीवन गी सखल्ला बनाना ऐ।
- 4. मौसम विभाग नै आखेआ ऐ जे औंदी 15 दिसम्बर तगर जम्मू-कश्मीर च मौसम च कुसै बड़डे बदलाव दी कोई खास मेद नैई ऐ। 7 दिसम्बर तगर मौसम खुशक रौहने दी संभावना।
- 5. आकाशवाणी जम्मू दे प्रादेशिक समाचार एकांश नै अज्ज अपना 54मां स्थापना दिवस मनाया। बक्ख-बक्ख श्रेणिएं तैहत कर्मचारिएं गी सम्मानित कीता गेआ।

<><><><><><>

PM-Ashtalakshmi

प्रधानमंत्री नरेन्द्र मोदी होंरें आखेआ ऐ जे देसै दे विकास गी अग्गे बधाने लेई पूर्वोत्तर दे राज्यें अंदर बड़ी मती समर्थ मजूद ऐ। उनें आखेआ जे 21मीं सदी, एशिया ते भारत दी सदी ऐ। श्री मोदी होंरें आखेआ जे पूर्वोत्तर दे केई शैहें जि'आं अगरतला, गुवाहाटी, गंगटोक, ऐज़वाल, शिलांग, ईटानगर ते कोहिमा च बड़डे शैहें आहला लेखा दी समर्थ मजूद ऐ। प्रधानमंत्री होंरें अज्ज नमीं दिल्ली दे भारत मंडपम च अष्टलक्ष्मी महोत्सव दा उद्घाटन कीता। उनें आखेआ जे एह पैहली बारी ऐ जिसलै इस किस्मै दे अनोखे कार्यक्रम दा आयोजन कीता जा करदा ऐ ते एह पूर्वोत्तर दे राज्यें लेई रास-पूंजी दे बड़े मते मौके उपलब्ध करोआने आहला होग। उनें आखेआ जे एह महोत्सव, पूर्वोत्तर राज्यें दे सनैही भविक्ख दा जश्न मनाने दा मौका बी ऐ।

<><><><><><>

अज्ज बक्ख मुद्दे पर हंगामे दे मगरा संसद दे दौनें सदन दी कार्रवाई गी दिन भरै लेई स्थगित करी दिता गेआ। इक सांसद दी सीट पर नोटें दी दफ्तरी लब्भने दे मगरा सरकार दे सांसदे आसेआ कीते गेदे हंगामे मगरा राज्यसभा दी कार्रवाई गी बी स्थगित करी दिता गेआ हा। विपक्ष दे नेता राहुल गांधी ते कांग्रेस दे होरनें नेताएं दे खलाफ बीपी सांसद निशिकांत दुबे दे आरोपे विपक्षी हंगामे दे मगरा लोकसभा दी कार्यवाही गी बी स्थगित करी दिता गेआ। राज्यसभा च जिसलै दपैहरी मगरा सदन दी बैठक होई ते कांग्रेस दे इक सांसद अभिषेक मन्नु सिंगवी दी सीट उप्परां थमां नकदी नोटें दी दफ्तरी थोने पर सरकार दे सांसदे बरोधी धड़े दे खलाफ नारेबाजी शुरू करी दिती। हंगामे दे चलदे उपसभापति डिप्टी चेयरमैन हरिवंश होरे सदन दा कम्मकाज अगगे बदाने दी कोशश कीती पर बरोधी धड़े दे सदस्य हंगामा जारी रखेआ जेदे चलदे सदन दी कार्रवाई स्थगित करनी पेई गई। एहदे थमां पैहले अज्ज बड्डले जिसले सदन दी बैठक शुरू होई ते सभापति जगदीप धनखड़ होरे दस्सेआ जे सदन दे स्थगित होने दे मगरा कल राज्यसभा चेंबर थमां नोटें दी दफ्तरी बरामद कीती गई ही। हंगामे दे चलदे सभापति होरे भरोसा दोआया ऐ जे इस मामले दी जांच कीती जाग। बरोधी नेता मल्लिकार्जुन खड़गे होरे आखेआ ऐ जे उंदी पार्टी गी इस जांच उप्पर कोई ऐतराज नेई ऐ, पर उनें आखेआ जे अध्यक्ष गी सांसद दा नांs नेई लैना चाहिदा हा कीजे जांच अजे जारी ऐ।

<><><><><><>

RS-Prasar Bharti

केन्द्री सूचना ते प्रसारण राज्यमंत्री डाक्टर एल. मुरुगन होरे आखेआ ऐ जे उंदा मंत्रालय समे-समे पर उचित नीति निर्देश जारी करिये प्रसारण दे खेतर च उभरदी तकनीके गी अपनाने दा समर्थन करदा ऐ ते उसी बढ़ावा दिंदा ऐ। उनें आखेआ जे प्रसार भारती, प्रसारण दे खेतर च उभरदी तकनीके जि'आं नेटवर्क दा डिजिटलीकरण, नमे उपकरणे दा दर्जा बधाने वगैरा गी अपनाइये आकाशवाणी ते दूरदर्शन नेटवर्क गी लगातार उन्नत बनांदा ऐ। उनें आखेआ जे प्रसार भारती नै डायरेक्ट टू मोबाइल (डी2एम) प्रसारण तकनीक लेई आईआईटी-कानपुर दे कन्ने सैहमति पत्र पर दस्तखत कीते न। डी2एम प्रसारण इक नमी तकनीक ऐ जेहड़ी प्रसारण ढांचे दा लाह ठोआइये बिजन सिम कार्ड दे मोबाइल फोन ते स्मार्ट उपकरणे तगर प्रसारण संकेते जि'आं वीडियो, ऑडियो ते डेटा गी सिद्धे पुजांदी ऐ।

<><><><><><>

Gas Pipi Line

गुरदासपुर थमां जम्मू तवि तगर 175 किलोमीटर लम्मी, महत्वकांक्षी कुदरती गैस पाइप लाइन दा कम्म शुरू होई गेआ ऐ ते मेद ऐ जे इस परियोजना रां 2026 तगर जम्मू च घरेलू इस्तेमाल लेई पाइप लाइन रां रसोई गैस दी सप्लाई शुरू होई जाग। इस बारे इक जानकारी सांझी करदे होई विज्ञान ते टेक्नालोजी

राज्यमंत्री डॉ. जितेन्द्र सिंह होरें सोशल मीडिया एक्स पर लिखेआ जे भारतीय गैस प्रादुिकरण जीएआईएल दिल्ली कटड़ा एक्सप्रेस वे दे कन्नै कन्नै गैस पाइप लाइन बी बछा करदा ऐ ते एहदे लेई कठुआ ते हीरानगर च वाल्व सेक्शनलाइजिंग दा कम्म शुरू होई चुके दा ऐ। डॉ. सिंह होरें आखेआ जे प्रधानमंत्री नरेन्द्र मोदी हुंदी अगुवाई आली सरकार आस्सेआ आम लोकें दा जीवन सैहल-सखल्ला बनाने दे कम्म च एह परियोजना बी इक महत्वपूर्ण मील दा पत्थर साबत होग।

<><><><><><>

Mahaparinirvan Diwas

संविधान दे रचियता भारत रत्न डाक्टर बी.आर. अम्बेडकर हुंदा महापरिनिर्वाण दिवस अज्ज मनाया जा करदा ऐ। इस मौके उपपर समूलचा राष्ट्र बाबा साहेब हुंदिएं शिक्षाएं गी चेता करदे होई उनें' गी श्रद्धांजलि अर्पित करै करदा ऐ। राष्ट्रपति द्रौपदी मुर्मु होरें अज्ज बड्डलै भुवनेश्वर च बाबा साहेब भीम राव अम्बेडकर होरें'गी श्रद्धांजलि अर्पित कीती। मुख्य भरै च अज्ज केई सारे कार्यक्रम लोआए गे जिंदे राहें राष्ट्र निर्माण च अम्बेडकर हुंदे योगदान गी चेता कीता गेआ। उपराष्ट्रपति जगदीप धनखड़, प्रधानमंत्री नरेन्द्र मोदी ते लोकसभा अध्यक्ष ओम बिरला होरें संसद भवन परिसर च प्रेरणा स्थल जाइयै डाक्टर अम्बेडकर होरें' गी पुष्पांजलि अर्पित कीती।

<><><><><><>

Court-Uniform

जम्मू-कश्मीर ते लद्दाख दी हाईकोर्ट नै मुख न्यायधीश हुंदे आसेआ मंजूर आई.टी ते आर्टिफिशल इंटेलीजेंस कमेटी दी सिफारशें दे मगरां अपने ई-कोर्ट ते आई.टी सेक्शन दे स्टाफ लेई नमीं वर्दी निर्धारित कीती ऐ। इक आदेश मूजब पुरुष स्टाफ नीले रंग दे सूट कन्नै चिट्टे रंग दी कमीज ते नीले रंग दी टाई पांगन जेदे पर ई-कोर्ट दा 'लोगो' होग जिसले के महिला स्टाफ नीले रंग दी सलवार कमीज ते ओहदे उपपर नीले रंग दा कोर्ट पांगन जेदे उपपर उंदे नांs आहला बैच लग्गे दा होग। हुकम च आखेआ गेआ ऐ जे हर द'ऊं ब'रें दे मगरा वर्दी बदली दिती जाहग जेहड़ी हाईकोर्ट दे होरनें कर्मचारियें लेई कीती गेदी नीति दे समान ऐ।

<><><><><><>

Weather

जम्मू-कश्मीर दिएं उच्चिएं धारें पर पिछले द'ऊं हफतें दरान केई बारी बर्फबारी होने दे बावजूद प्रदेश च बरखा बड़ी घट्ट गै होआ करदी ऐ। मुकामी मौसम विभाग मूजब अक्टूबर 2024 दे बाद बरखा च 72 फीसद तगर दी कमी दर्ज कीती गई ऐ। पिछले द'ऊं महीनें दी अवधि दरान इत्थे छड़ी 19 इशारिया 9 मिलीमीटर बरखा गै रिकार्ड कीती गई ऐ जेहड़ी आमतौर उपपर 70 इशारिया 5 मिलीमीटर तगर हुंदी ऐ। मौसम विभाग दे डरेक्टर डॉ. मुख्तार अहमद होरें दस्सेआ ऐ जे 7 दिसम्बर तगर मौसम खुशक गै बने दा रौहग। एहदे परैन्त 8 ते 9 तरीक गी कश्मीर संभाग ते जम्मू च बी किश थाहें पर हौली बरखा होई

सकदी ऐ। एहदे परैन्त 10 थमां 14 दिसम्बर तगर मौसम फही खुशक रौहग ते 15 ते 16 दिसम्बर गी हौली बरखा ते बर्फबारी दी मेद ऐ।

<><><><><><>

RNU-Foundation

आकाशवाणी जम्मू दे क्षेत्रीय समाचार एकांश नै अज्ज अपना 54मां स्थापना दिवस मनाया। 1971 च भारत-पाकिस्तान जंग दे दरान 6 दिसंबर गी अपनी स्थापना दे बाद थमां गै क्षेत्रीय समाचार एकांश नै नां छड़ा संवेदनशील जम्मू-कश्मीर च सगुआं बन्ने पार बी बड़ी मती लोकप्रियता हासल कीती। एकांश दे दफ्तर परिसर च अज्ज इक सम्मान समारोह दा सरिस्ता कीता गेआ जेदे च बरे 2023-24 लेई उत्कृष्ट सेवां देने आहलें गी सम्मानित कीता गेआ। आकाशवाणी जम्मू दे प्रमुख डिप्टी डरैक्टर जनरल जे. रविकांता बाबू होरें क्षेत्रीय समाचार एकांश दे प्रभा एन. गुलशन रैना हुंदे कन्नै मिलियै जेतुएं गी पुरस्कार भेंट कीते। योगेश सगोत्रा गी बेहतरीन सम्पादक, जगमोहन शर्मा होरें गी बेहतरीन डोगरा समाचार वाचक ते अनुवादक, अनवर चौधरी होरें गी बेहतरीन गोजरी समाचार वाचक ते अनुवादक नरेश शर्मा होरें गी बेहतरीन डोगरी समाचार वाचक, अनुभव मिसरी गी बेहतरीन जिला संवाददाता ते रजत पाल गी बेहतरीन कर्मचारी दा सम्मान दिता गेआ। हाल च होए दे संसदी ते असैम्बली चुनाएं च टकोहदा जोगदान देने आहलें गी बी सम्मानित कीता गेआ। अपने धन्नवादी भाषण च एकांश दे प्रमुख एन. गुलशन रैना होरें आखेआ जे आकाशवाणी जम्मू दा प्रादेशिक समाचार एकांश लोकें गी जानकार बनाने च मती महत्वै आहली भूमिका निभांदा आवै करदा ऐ। रैना होरें सब्बनै गी मुबारकबाद दिती ते उनेंगी आखेआ जे ओह अगगे बी पूरी ईमानदारी ते निष्ठा कन्नै कम्म करदे रौहन। कुंजवानी जम्मू थमां स्हाड़े इक पराने श्रोता अज्ज स्हाड़े स्थापना दिवस पर असेंगी मुबारकबाद देने लेई स्हाड़े दफ्तर पुज्जे। उनें आखेआ।

<><><><><><>

Indo-Pak Victory

1971 दी जंग च पाकिस्तान उप्पर हासल होई दी ऐतिहासिक जित दे चेते च फौज दी टाईगर डिवीजन दे झंडे हेठ चिनाब ब्रिगेड आसेआ केई सारे कार्यक्रमें दा सरिस्ता कीता गेआ। जंदी 3 दिसम्बर गी इक मोटरसैकल रैली कड़्डी गेई जेहदा मकसद नौजवानें गी भारती फौज दे पराक्रम बारै जानकार बनाना हा। एहदे अलावा इक प्रेरणा देने आहली फिल्म दस्सने ते बन्ने आहले ग्राएं दे नौजवानें कन्नै गल्लबात आहले कार्यक्रम बी आयोजित कीते गे। इस्सै सिलसिले च इक दोस्ताना क्रिकेट मैच दा सरिस्ता कीता गेआ। अज्ज लोआए गेदे कार्यक्रम च खरी मती गिनतरी च अधिकारिं, मुकामी लोकें ते विद्यार्थिं हिस्सा लैता।

<><><><><><>

उपमुख्यमंत्री सुरिंदर चौधरी होरें अज्ज नौशैहा आहले पीडब्ल्यूडी डाक बंगले च इक बैठक लाइयें लोक निर्माण विभाग, प्रधानमंत्री ग्राम सिड़क योजना, श्रम, उद्योग ते बपार ते खानें सरबंधी मैहकमें दी कारकरदगी दा जायजा लैता। इस मौके उनें सरबन्धत अधिकारिणं गी निर्देश दिते जे ओह उच्चे मय्यार बरकरार रक्खदे होई ऐल्लै जारी परियोजनाएं गी तेजिआ कन्नै सबूरा करोआना जकीनी बनान। प्रधानमंत्री ग्राम सिड़क योजना तैहत माड़े कम्में बारै रिपोर्टां थहोने दिएं शकैतां दा संज्ञान लेंदे होई उनें आखेआ जे कम्में कन्नै कुसै बी किस्मै दा समझौता बर्दाश्त नेई कीता जाहग। उनें अधिकारिणं गी हिदायतां दितिआं जे ओह कम्में गी मित्थे गेदे समें दे अंदर-अंदर सबूरा करोआन।

<><><><><><>

JK-Highway

शिड़क परिवहत ते राजमार्ग सरबन्धी मंत्री नितिन गडकरी होरें कल लोकसभा गी जानकारी दिती ऐ जे जम्मू-कश्मीर च पिछले 5एं बरें च बक्ख-बक्ख किस्मै दे रख-रखव ते मरम्मत दे कम्में तैहत 2 जहार 74 किलोमीटर राश्ट्रीय जरनैली शिड़कें दी मरम्मत ते सुधार कीता गेआ ऐ। मंत्री होरें आखेआ ऐ जे सरकार नै मौजूदा राश्ट्रीय जरनैली शिड़कें दे कम्में गी पैहली प्राथमिकता दिती ऐ रख-रखाव ते मरम्मत एम.एण्ड.आर एजेंसियें दे राहें सब्बनं थाहें पर विकास कम्में गी यकीनी बनाने लेई इक तंत्र तैयार कीता ऐ।

<><><><><><>

Volly Ball Katra

रियासी जिले च आयोजित जिला-स्तर दी वॉलीबॉल प्रतियोगिता संपन्न होई गई ऐ। जिले दे बक्ख-बक्ख हिस्सें थमां डेढ़ सौ शा मते खड़ारिणं एहदे च हिस्सा लैता। नौजवानें दा दिल बधाने ते उनें'गी खेड़ें कन्नै जोड़ने दे मकसद कन्नै आयोजित इस प्रतियोगिता नै बक्ख-बक्ख टीमें गी इक सांझे मंच पर किट्ठे आहनने ते मुकामी खड़ारिणं गी अपने हुनर दा प्रदर्शन करने दा मौका दिता ऐ। इस सरबन्धे च स्हाड़े जिला संवाददाता कन्नै गल्ल करदे होई श्री माता वैष्णो देवी स्पोर्ट्स कम्पलैक्स कटरा दे डरैक्टर स्पोर्ट्स ध्रुव गुप्ता होरें आखेआ

<><><><><><>